

皇清文穎續編

皇清文穎續編卷首四十六

御製詩

五言古詩

讀杜詩

三百始立言無邪仰孔訓有唐中葉衰子美逢厄運
貞心溢詞章令人興感奮豈獨妙才華要識抒忠盡
詩聖冠古今詞壇尊傑俊高岡威鳳棲大鳴振千仞

味餘書室齋宿

韶光度春孟節候益和暄齋居臨仲月清蹕啟御園
書室宜靜憩澄觀滌心源

釋奠仰

至聖

右壇民社尊承

旨致虔祀主敬恒存存願希寸誠格甘澤春夏蕃洗
兵靖苗逆濶陌耕犁翻誕敷造化力豐稔蒙

天恩

奉

勅旨至靜明園

龍神祠謝雪敬紀

勤民致誠意辨香肅靈祠應念通

吳綽候不崇朝期奉

勅謝嘉貺中心凜敬寅輕輿度石陌遠近潤景披西
山疊玉嶂瑤闕形參差倒印萬頃波滉漾昆明池其
源伏山下第一標豐碑灌注滙巨浸陂田盡蒙滋又

逢雪水濟新漲增川涓皎皎百鍊鏡湛湛青琉璃對
境匪悅目所欣東作宜民足君益足先言時切思豐
收誠要務農事爲國基愷澤叨下濟畎畝含膏脂承
旨慮民瘼敬謹方寸持欲求倉廩富靜俟

上帝慈

頤和書室卽事

憶昔額頤和山莊建書室辛丑兄定名揮灑如椽筆
較射到夕曛敲詩或永日椽萼本同根天和頤養吉

斯時構小齋十笏堪容膝心豈逐境遷孝友吾事畢
還如聯牀語揮麈神洋溢誨子不憚煩雅愛誠難述
移額誌弗忘王猷望匡弼

慎修思永

古訓始修身敬慎致思永其本在正心分陰加三省
天君統萬靈知誘宜盡屏檢束偶或乖寸田將放騁
御園西北隅文軒遠塵境

題額示後人仰瞻時自警齊治擴於斯未可畧弛遲

百禩守

訓言玉燭常輝炳

鑑遠堂

虛堂俯昆明浩渺波萬頃風蹙浪花翻琉璃浸雲影
湖光激灑明微芒印西嶺長堤亘虹梁直接蓬萊境
堂額意良深體察時勤省鑒已自鑒人返觀務思永

隨安室遣興書懷

隨遇自安和

聖人夙額語涵養六十年無逸以作所小子凜敬承
堂構慶爰處

睿藻仰楫間求安慎當宁勤民初切懷春膏蒙

錫與二麥已暢生芄芃羣出土侵尋首夏時兼旬未
得雨稍霑卽放晴風伯每相阻德薄而位尊負荷責
誠鉅嗚呼其雨乎臣心刻延佇

澤蘭堂有會

攀芳向中澤心慕王者香臨風懷君子宛在水一方

采采欣晤對清華滿高堂醇化本同氣紉佩意不忘
和薰調玉軫雅操諧宮商揚芬爲國寶利用期含章

湯山早荷

託根在溫泉暖氣催開早境遇有不同遲速皆合道
朱華絢膽瓶顏色何姣好物理偶遭逢向榮等小草
結實待秋風萬柄蓮房老

石槽行宮晚坐書懷

避暑雁行隨始自辛丑歲流陰十六年歡笑偕兄弟

承

恩總萬民一心慎統系分封各沐

榮留京典宿衛茲來憶昔時吟射相游藝臨風有所
思和樂懷常棣

澄觀齋

大觀示中正心源必清澄物欲戒障蔽外誘斯不興
靜思蘊於內涵養至道凝四門既洞達廊廟賢才登
弼子成郅治虛受集衆能山莊瞻

聖藻兩字敬服膺明通自公溥彊勉念繼繩

水月庵

徑轉山逾深幽泉下古澗尋勝過石梁攀蘿度雲棧
清涼近化城益覺紅塵變靜參止水心虔叩滿月面
正眼傳宗門妙音演普徧著相卽牽纏奚能入室見
敬願灑楊枝降魔息征戰能仁宏誓敷震旦羣生奠
玉燭慶常調要荒祝清晏

超然宇自警

乘風凌絕頂有字曰超然登峯必造極勝概得其全
霞燦遙嶺外雲出幽谷前俯視衆邱壑歧路紛百千
如神養氣志舉頭尺五天境界益高迴跬步恐躓顛
萬目所瞻仰尺度尙慎旃

對山齋

蓬島在仙莊三山座間對疊石具巉巖洞壑分向背
竒峯入窗中凝青皺眉黛真幻本相資一視原無礙
九仞已功成現前得勝概樂山見仁心於斯涉津逮

秋林

一葉報井梧涼颺動天末白雲起遙峯商聲下寥澗
密幄經三時濃青遍叢樾久沐雨露滋肯使風霜奪
崖畔燦霞輝渲染楓屏豁紅於二月花隨處生機達
清暉亭泛舟卽景

澄潭印霞影霽宇開高秋皎皎九霄日浪含金碧浮
溯洄愛佳景試泛柳外舟擊楫過荷渚遠香欣未收
雲襯紅蓼岸煙斂白蘋洲百頃浸清泚商颺漾寒流

蒼茫共一色遙汀帶層樓寺鐘報隔浦入耳音警道
林幄尙茂密映水嘉蔭留莫漫言節序齊物偕天游
所喜田功畢暘雨頻較籌幸哉秋大熟登廩多稼稠
弭棹憩亭畔心賞非目謀

山村

策馬度谷口坡陀轉平原曲棧隱樹杪陸離紅葉翻
颯爽下商籟巖腰遍小村老農跪道左就日兒童喧
今秋荷神佑南畝多稼繁蓋藏慶比屋仍沐蠲租

恩銀牌歲增益永免催科煩樂歲願普遍四海皆元
元撫育良不易保赤心長存

趙左雲巖響瀑

翠巖高入雲欽崙出天半劈峯匹練垂千尺挂銀漢
飛流若鏡懸砰礚音錯亂雨足挾驚沙激石中忽斷
百折滙成溪分流無畔岸莫謂一勺微須臾萬頃漫
清心濬本源濫觴免泮換拈吟偶自箴操持戒明日

萬方安和四首

肯構切衷懷敬勤蘊方寸

憲皇四字垂人君之素願六十有二年

乘乾德剛健小子日趨庭聆

訓策愚鈍撫民期又安飽煖鮮窮困農事又將興春
風普吹萬

文軒屏華飾宛在水中央輕冰映春旭玉鏡騰華光
靈沼闢

當日遊詠濠濮鄉卍字巧相屬曲折連迴廊簷楣懸

寶翰奕禩瞻輝煌圓鏡燭九有

坐照包萬方

御園韶景富行慶應履端共球集王會瞻就皆各汗
聖人久道化浹洽中心歡又喜苗匪靖勁旅摧凶殘
稂莠旣盡剗

育物咸從寬昭鑒沐

祖德名副萬方安

竹苞松茂詠斯干叶有那堂構永爰處張老誠善歌

庭松閱百載輪囷嘉蔭多感

澤心惕若履薄臨峻坡凜

訓曷敢忽戒滿思盈科寸心何所願願萬方安和

古別離

人生百歲期流光若急箭烏踰似擲梭倏忽寒暑變
壽夭有不齊癡情徒戀戀上古誰別離牛女阻仙眷
悵望隔銀河一年一會面嗟我不如伊千古難相見
日月有晦明剝蝕占窮紀命運賦生前造物付亨否

無往自無來有生必有死達人悟電光知土觀逝水
亦知徒感傷貽笑鼓盆子未能斷七情此情何能已
歡樂廿三年一去不還矣

釋氏所深悲曰生老死病色界本虛無蝸角紛爭競
依空復住空般若一言證離合總幻因現前大圓鏡
去去東郭外颯沓銘旌飄孤魂委黃土白楊風蕭蕭
重泉隔人世長夜哀寂寥蓬山阻海水方士難覓招
海水有時涸此恨無日消

望雨自責

去歲荷

天恩雨暘慶時若稼穡積坻京豐稔調六幕冬雪復
優霑盈尺誠溥博私幸綏屢期自滿愆尤作因循雨
月餘屯膏雲氣閣深恐誤始耕有礙收成薄未沐春
澤連宿澗愁乾涸承

訓務愛民民安國本託望霖日漸多焦渴心如灼

繼德堂有會

安安息萬緣至靜通幽隱返照透虛靈外誘慎牽引
察理公則明遇事必勤敏圓鏡發容光磨鍊功夫盡
勿來無遁形妍媸爲標準養氣純浩然觀心自平允
善繼豈易言德化孚庶尹

春郊卽景

畚鍤南畝興春膏助長養昨歲樂蓋藏更望連豐穰
時巡近京畿首耕古制仿攬轡過村墟庶姓快瞻仰
所過慶蠲租比戶無揔攘六十有二年

聖澤栽培廣或偶值偏災豈惜千萬帑小子承

訓深主敬寸心勇良法奕代循平治指諸掌財散民
聚論至理誠不爽

泛舟卽景

百頃碧流環萬疊層波漾試棹鏡中遊

舟名

真如坐天

上九重凜居尊慎儀庶民望觸境有會心舒眺樂清
曠澹懷屏牽纏光霽寄情暢寸田時滋培曷敢分陰

放

要亭行宮晚坐

行宮枕山椒向南俯平陸列帳若繁星周環遍溪谷
炎暑氣薰蒸赤繳紅塵逐自顧居最高廣庭森夏木
悠然來南薰受此清涼福焉得千萬間大庇恩全沐
伊古聖王心思艱切寒煖胞與溥甘膏肖勣皆吾育
暱勉法先言幾餘觀簡牘扇暘念困窮延爽增慙惡
觀瀑

武列水勢雄得雨聲益壯匹練下層巖礧礧騰雪浪

倚檻作靜觀，竒景難摹狀。泉本出山根，翻從峯頂望。
蕩激噴石間，注溪始酣暢。遙源溯深長，盈科識雅量。
水月精舍

性海溶通明澄泓，印心月湛然。屏纖塵至清鑒，毛髮
內照契圓靈。汨汨源無竭，我鏡鍊輝煌。物烟任恍惚，
朗鑒莫遁形。平情息凹凸，禪理縱難超。儒修守毋悖，
鷲雲寺瞻禮

極樂本西方，世界依空住。震旦現法身，我見爲緣遇。

飛來靈鷲峯
慈雲洽甘露
虔瞻滿月容
相好莊嚴具
卽祈施大雄
消魔普濟度
能仁誓願深
衆生迷津渡
盡登寶蓮航
彼岸超沉痼
境地現清涼
回首尋故步
癡愚堪憫憐
六道紛馳騫
雷音震大千
慧燈爍烟霧
獅王奮神威
繫縛盡狐兔
邪寂正道明
脫離諸苦趣
光天化日輝

壽宇慶永固

卷畫窗

衆山繪秋容千林蕩繁響
峒沓來天風冷然喜蕭爽
白雲出谷中映日光輝朗
汶寥玉宇高顯景納軒敞
妙畫本自成無須涉筆想
小窗延遠嵐凝眺指諸掌
達觀心集虛洞明眼界廣

味餘書室自箴

四時相代謝倏忽小春時
御園二旬駐祀事又及期
禁中肅齋戒

太室永孝思法宮喜清闕
珠櫳藹午曦窗明芸編展

几靜菊馥披味餘仍舊額境易志不移萬幾偶有暇
圖史足自怡君道勤最要稍怠機務疲日聆

庭訓切念茲更在茲分陰當愛惜白駒如箭馳努力
在少壯況余承邦基堂構職難副凜若宗器持

水晶域

寸心常湛然如在水晶域澄澈燭毫芒靜虛斯動直
遇物成見消順應非苛刻涵養滌淵源塵滓豈能惑
疏濬本自修開導防茅塞返觀內照功明通育才德

味餘書室偶成

愛景輝南窗光明滿書室靜覺冬晝長匡牀樂容膝
爐薰裊水沈結篆細縕出觀心諸境空太和自洋溢
萬物皆備吾相忘於道術駒隙肯忽諸惜陰戒耽逸

陳容畫龍

見首不見尾在淵復在天神妙豈可測行健乾德全
施霖潤庶物沃彼九州田萬物覩光采爲君尙慎旃
隨安室詩做鮑明遠體

一心凜恭寅承

訓思致治二字仰隨安物理斯賅備三楹苞茂居寢
興誠福地四時無不宜長春蘊精粹五位

建極年繼述遵

先志六合慶救寧絕域置官吏

七德告武成化行若奔驥

八徵歲序調綏履禾雙穗

九句衍春暉

福厚由德積十全益求安持盈寸衷誌

學圃

爲學知不足古籍宜時親莅政必探本法言守先民
要道傳精一君德止於仁九有皆胞與推誠接臣鄰
就將勉踐行風俗思化淳所慰邪畧敢尤願靖蜀塵
調御愧乏術品類難陶甄修己安百姓孔訓宜遵循

竹窗四詠

風竹

曲徑引清風拂竹來
逸響空外簫管鳴
元音自摩盪
伶倫漫製筒嶰谷
良材廣浮筠
動輕颺
凌雲看直上
披襟樂泠然
不作求鳳想

月竹

竹品本至清
照影尤宜月
疎籜印玲瓏
寒輝見毛髮
薄羅襯窗櫺
宛在水晶窟
蕩漾激素蟾
逸趣無窮竭
坐久夜漸深
圓靈出高樾

雨竹

籊籊疑晚烟蕭蕭立新雨濯葉增浮筠淅瀝翔鸞舞
綠篠色益鮮篔簹潤瑤圃含滋生意敷浹洽清華吐
隙地再栽培擬待長夏補

晴竹

五畝竹不繁窗外伴清晝旭彩動琅玕疎密紗櫺透
粉籊欲凌霄捎雲益滋茂勁節鮮有同蒼松品堪副
此君慰素心拈毫四詠就

靜坐述懷

肅齋值祀事每歲孟夏初占協蒼龍見農候興耕鋤
今春荷

天貺愷澤誠沃如更願南訛順繼潤和氣舒

皇父厲民瘼欽承小子子與祭曷敢忽持心雜念除
庶幾格

神佑兆豐樂里閭邪氛猶未靖雄師應速祛盜賊甘
鼎馘良善嗟溝渠虔籲消劫數執馘奏捷書

結緣日作

六道原不齊萍水無心遇欲結幻中緣恐悞尋歧路
隨安理最深奚必爭朝露膠滯互牽縈迷津仍問渡
寶筏在吾心慎勿失故步結卽解之根鏡影難堅固
超脫諸有情四大依空住

坦坦蕩蕩

君子坦蕩蕩天懷本至清無欲觀其妙笑彼空蠅營
如鏡光極朗如水波最平虛已受衆物忠恕知羣情
涵養寸田茂不使稂莠生學問代耘耨禮義以犁耕

精采自煥發其本歸存誠

吟窗四事

有序

幾餘靜憩別無嗜好憶昔書房典學時清課聯
吟多積篇什自蒙

授璽孜孜承

訓惟以籌幾省歲策勵身心遑暇溺志詞章致於政
務稍有留滯顧晨昏

省定夏清冬溫紀事對時陶情言志幾暇時復斐然

有作每成一詩必經四事聊爲詠之

選題

詩有承志持三訓而必因題以發大則典禮朝章切而籌農省歲曠逮各物品

乘因境矢音或莊或雅

側艷香奩體從黜矣

聞詩夙承

訓立言務光明選題從師命髻歲日課程今則自拈
詠心聲隨境呈無須詠月露有暇較雨晴側艷屏體
製正大淑性情

檢韻

韻者均也均其聲元音自協或部居必嚴以就今律或通轉相叶以存古音具

範圍曲成而不
過不遺之義焉

韻統著同文四聲分平仄

聖製全韻詩遵循爲法則今體律必嚴古體可轉側
立均合元音出度叶準式五六蘊中和相生神妙得

書片

硃稿初成卽付繕清稿今謂之片子以
草稿或有推敲未盡清稿尤易檢點也

拈毫每再思得句書片紙斟酌共儒臣言志祛浮靡
小道有可觀審擇須盡美樞機曷慎諸放之應千里

風雅仿商周六朝戒奇詭

上本

片子覆勘無訛則詳定已準乃登之黃綾本書片猶萬殊上本其一貫乎

片紙既審定散置虞紛紜書之黃綾冊排日知情勤
每歲二百頁上下雙帙分寸衷敬效法

覺世抒大文

聖製已六集景仰懷尊聞

七月朔日作

律轉五日秋

六月二十
六日立秋

告朔當孟月暢晴農諺符皎

旭輝玉闕山田高下連禾黍皆茂發又可冀有收屢

豐

聖心悅

叶

獨念西蜀氛螟蟻恒出沒受

恩早淪肌數罪難擢髮諸將皆世臣東省盡健卒應
如摧朽枯反任彼馳突追逐二年餘儘獲窮竒骨良
民疲轉輸終歲無休歇

宵旰盼捷書豈願行斧鉞邪教肆奔逃應

天申撻伐倏又屆清商大勲尙未集

叶

主澤旣渥優臣忠亦當竭各奮敵愾誠滅此方朝食

叶
凝望吉祥音掃蕩荏苒窟

由北溝策馬登大嶺謁斗母閣

石城沿山建複澗細徑尋策騎入幽谷旋繞峻嶺陰
坡陀互起伏衆木蔭尙深急雨過前夕邃谷增鳴琴
清泉飲我馬衣袂嵐翠侵馴鹿徧蹊磴濯濯緣嶽峯
忘機漫走險游衍非從禽漸登最高處四望千百岑
停鞭叩梵宇辨香顙居歆

如意湖觀河燈

中元啟孟蘭法會傳釋典超脫諸沉淪慧炬徹幽顯
智火發夜明黑暗波旬遣皎皎映心蓮七寶幡風轉
燈王燭大千三塗苦趣免波浮絢朱華層疊光芒展
功德貫恒沙皈心於至善

創得齋

西上梨樹峪山勢如盤嶮崎嶇涉溪壑曲折沿坡陀
小憩平林下高颺振喬柯老鶴唳峻坂仙鹿飲澗阿
忘機各適性與物同太和巖齋額創得一覽峯巒羅

雲莊誠福地佳勝何其多

八月朔日作

嘉慶三載秋八月告朔吉玉宇喜暢晴朝旭東嶺出
各省農事佳上稔奏報一年登人必安國家紀瑞寶
帝心凜授時尙厯功未畢賊已聚蜀中豈能再奔逸
黃鉞誅亂民白蓮絕邪術首逆定俘擒脅從仍撫恤
天意轉樞機

聖恩普洋溢

仁壽敷九圍比戶樂寧謐

冷香亭

秋水日澄澈秋荷減容光涼颺過遙渚時復聞冷香
綠蓋漸黃落長柄擎蓮房香色花所幻代謝理之常
常住果有悟幻去庸何傷靜觀運行妙感慨嗤歐陽
惠迪吉敬述

古訓著禹謨傳心重元首三字

題楣端奕禩應敬守蒼生國本源栽培務深厚施恩

期周孚渥澤及蓬牖愛民如子孫敬君如父母君以
民爲心

天必錫大有視民如草芥

天卽降災咎感召在人君吉凶皆自取兢業憂凜先
安寧樂隨後

祖志欽寸衷晰理五言剖

泛舟出水關卽景

鳴橈過山邨鼓棹出水郭波澄見鬢眉動影連層閣

密林葉已消原草又黃落代謝自年年奚用傷蕭索
化工總生生轉瞬屆東作心空識見寬毋爲幻境縛

題知不足齋

齋名沿鮑氏闕史

御題詩集書若不足千文以序推

齋額沿杭城鮑氏藏書室名乾隆辛

卯壬辰

詔采集天下遺書鮑

士恭所獻最爲精

駁內唐闕史一書曾經

奎藻題詠嗣後其家刊

刻知不足齋叢書以唐闕史冠冊用周興嗣千文以次排編每集八冊今已十八九集可謂好事之家矣
予別有所會縈心惟那基寰區至廣大焉能物無遺

不足志最衆撫字須真知既知亟拯救飽煖漸可期
民足君始足民艱君道虧一夫不得所吾之責奚辭
譬諸舟寄水浮沉繫安危凜

訓愛庶姓念茲復在茲

學圃

蔬圃樹平疇澆灌需時雨學圃在吾心有獲惟稽古
寸田勤就將廣益新知補義種而禮耕培植功須努
取用佐邦家堪爲治道輔怠惰則荒蕪膏腴成斥鹵

讀大學衍義

下帷讀古籍明心首聖經誠意在格致不使外誘生
臨民必守此西山衍義評本正末自理德禮冠政刑
遵路法舊典國治天下平斯願實不易屢勉勤勵精
味餘書室四事

焚香

博山置書案獸炭煎妙香徐徐結壽字裊裊發蘊藏
心清得靜味鼻觀相叅詳離合悟禪理寶篆如雲翔

重簾下已久豈令隨風颭

煮茗

選得龍井尖潤陽付竹鼎玉泉味最甘品勝浮玉頂
蟹眼倏忽生森列旗槍挺火候辨速遲敲吟藉佳茗
一甌叅趙州兩腋清風迴

敲詩

興至每拈吟拙工亦不計排日驗惰勤黃綾書次第
漫騁月露妍用識雨暘茂心疑琢句時神暢推敲際

非以此自鳴三餘偶游藝

讀畫

妙繪品元明展觀伴冬讀山川畢獻奇岡巒互起伏
身擬入畫中心與境相逐境過心亦忘究竟皆空幅
寓意不可留東坡語二復

題戒石銘

山谷書戒石節語守自身設官分職任祿養蒙君恩
催徵吏胥擾堪憐赤子貧巧取更枉法百計搜金銀

取之盡鎔銖用之若沙塵窮秘業雖易虐皇天本無親
大廷有國憲幽暗察鬼神滿盈必傾覆悖人終沈淪
紹興摹筆迹勒石訓牧民寄言耽利者警省毋遠巡

黃山谷年譜注按郡縣戒石自唐以來有之但只
有石無文公任太和摘孟昶文內爾俸爾祿民膏

民脂下民易虐上天難欺四語鐫以自警後高宗
摹其筆法勒石垂戒頒布天下世遂稱爲山谷戒

石銘云見宋史及周益公記 按山谷書銘在神

宗元豐五年至頒戒石銘係高宗紹興二年六月
事續通鑑綱目亦載宋紹興二年以黃庭堅所書
戒石銘頒於州縣刻石然其實非起於紹興乃宋
太宗書之頒於天下也而太宗則又本蜀孟昶之
文而節之按原本二十四句洪容齋謂昶詞雖多
轉不免掛漏經太宗刪節彌覺簡括然則此銘太
宗時已頒行後山谷曾書之至紹興中復以山谷
所書頒行耳

盼信述懷

皇清荷

天恩君臨建人極共球會梯航聲教暨外域六十三
年中普免屢降

勅博施本至仁陬澁洽

聖德乃有川楚氓趨邪作螟螣甘自外生成負嶠爲
鬼蜮雄師善騰驤摧枯罔不克士旅奮忠誠將帥盡
心力渠魁果先擒脅從救餘息迅掃魔障開光明祛

迷惑重爲太平人向化安反側疑盼西南隅心難置
晷刻敬叩

昊貺施垂憫三塗黑善繼愧未能懷慙衷自識

擬古二首

樛櫟本凡材孰肯擇地種斧斤早赦茲棟梁不堪用
良質登廟堂負荷誠任重休戚皆所同安危理須共
大廈慶攸寧斯干叶歌頌

猗猗空谷蘭悠悠國香在嗟哉不逢時弃置無人採

韞匱美玉藏抱璞性豈改境遇合天成營求徒貽悔
百川任奔騰朝宗歸大海彼蒼默無言元會調真宰
勒保奏報四川軍營連獲勝仗額勒登保率兵
擒斬逆首蕭占國張長更冷添祿等大功將

次告成詩以誌慰

邪匪始楚中蔓延至西蜀不靖雖亂民亦由吏貪酷
三年尙行師羽書不時促事權豈宜分必應信之篤
經畧命重臣訓勉各路督使過勝使功振興前罪贖

勇將相機行蕭

占長國張更

自戕觸懸崖無路逃逆黨皆

洗沃冒雨疾進攻直達岳池曲冷賊抗顏行一箭登

鬼錄窮追抵河濱實難分石玉勦戮無遺氛作孽罹

慘毒亟願功早成安良易習俗欽感

昊蒼恩捷音得連屬夙承

皇父謨

几筵親敬告

啟佑小子衷繩武欽繼續卽日淨邪氛碧空騰皎旭

庶慰

在天靈諸臣應共勗

文房四詠

硯

端溪育良材溫潤比美玉龍尾巧琢磨映帶花紋曲
萬石曾受封挹注恩澤沃奎壁吐光輝靜壽最貞篤
藝苑獨永年三友欣相續

筆

毛純受褒封別號管城子此君功最先指揮萬事理
運掌應諸心雲烟落素紙鱗角各偶傳夢中花發蕊
老秃倘見憐良材及時使

墨

墨卿用益多文房作良輔十二列龍賓寶輝掞天府
松根結紫烟馥郁光華吐研磨展宏勛洗滌闕堪補
石友佐成功相投滴亦乳

紙

玉版最平和守墨性不改澄心拓才華測理添光彩
古籍賴君傳竹簡論功倍剡溪蘊音珍開展輝騰耀
四友伴書帷文思增學海

經畧勒保奏報朱射斗一路官兵鎗斃首逆包
正洪並夔州一帶解散黨羽又松筠奏報截
勦張漢潮各情形詩以誌慰

邪教始楚中蔓延川東北豕突已三年夔巫氛四塞
奔竄萬山間出沒疲兵力每隨

皇考籌聆

訓心敬式

龍髯痛莫攀。渺躬總軍國。爰命經畧臣。事權俾歸一。

叶

春月殄三凶。蝨賊去其極。夏令實炎蒸。暑熱汗如

溢。叶寸衷刻不寧。羽書嚴督飭。恰逢立秋辰。飛檄報

誅賊兵屯厚葉溝。正值匪掠食痛殲。抵毛坪恃險爲

鬼蜮。三路併攻圍首逆。遭鎗殛邪非。一日成師難一

朝。克次第治亂。民威伸。方布德陝省。數張渠同姓爲

殘牆盤繞興漢疆幸有新兵集捷音應續來勳績旅
常勒總祈

上蒼憐憫彼六道黑慧雨灑九霄業風劫火熄年稔
戎事除共登太平域庶慰

高廟靈拈毫增愴惻

勒保奏報德楞泰一路官兵生擒夔州傳教首
逆龔文玉痛殲匪衆各情形詩以誌慰

教匪脅良民蜂屯盈萬億三載疲官軍隨處皆掠食

川東屢次殲相率奔湖北二竹邪衆紛鄖房氛四塞
所幸兵續來追及後隊賊妄稱傳教師弟兄作螟蚋
蹂躪大禾田雄師直前逼鎗箭威並施肯令暫喘息
下壓瓦房灣首逆生擒得整旅入楚疆李淑添徐德漫
潛匿敬祈

上天恩消劫福中國揮淚告

几筵拈毫紀其實

恭奉

皇者梓宮至大紅門敬代叩謁

昭西陵

孝陵

孝東陵

景陵畢奉安

裕陵隆恩殿痛述

恭代謁

陵禮始於

考躬行

乾隆丁酉四月

皇考高宗純皇帝恭奉

孝聖憲皇后梓宮至

泰東陵路經

泰陵之東應恭代向

世宗憲皇帝

孝

敬憲皇后陵寢行禮而禮臣以無可援引未經議及

太廟入廟時有代

聖意以

神牌升祔

申叩謁之禮正可據以爲例遂於是早先展謁

泰陵畢預至分路處祇候

梓宮至時於道旁躬

代向

泰陵遙叩再奉啟行所謂禮以義起必如

是於心始安此誠

高宗純皇帝孝思周篤遵古

垂型之盛軌也今敬遵成憲於九月初六日躬謁

昭西陵

孝陵

孝東陵

景陵禮成初

七日恭奉

高宗純皇帝梓宮至大紅門敬於道

旁遙向

四陵躬行代叩

丁酉奉

所以申孝慕而欽法守也

孝聖萬世垂法程痛遭

龍馭舉敬守曷予更紅門悲展叩煢煢憂慮縈條忽
至

陵寢心與淚同傾目淚縱有竭心淚終身盈

帖

岷望俱渺人子何爲情

隆恩報無極信筆申哀鳴

德楞泰奏報生擒首逆高均德勦除高家營賊

匪捷音至都詩以誌事

刑教始楚襄滋蔓川陝地雄師雖屢虜奏報有真僞
偶擒一賊渠餘黨皆棄置虛誑盡邀恩欺詐敢嘗試
四年未蕲功實由債轅累渺躬親政初延訪資衆議
此弊已深知乘時選良帥壁壘喜煥然非敢輕更易
偏師自楚來追賊越平利大破高家營剋期縛高逆
叶
詭譎久稽誅更名郝以智悔過情可原卽命加恩
賜特授叅贊銜併予以世職 叶
果同此一心何慮不
集事聆

訓衷敬遵凜若居君位勉籌制勝機收功庶冬季萬
民劫消除飽煖霑

遺惠揮淚告

裕陵正值週年祭仰

天乞鑒誠繼

父未了志昇平或可希拈筆甘韻誌

庭松

禁墀幾歲月鳳蓋舒鬱葱久承

聖澤渥不與凡木同嚴寒節豈易夭矯冰雪中蚪枝
逾蒼翠盈尺瑤屑封青陽轉淑氣盛德方在東植物
咸發育況此十八公龍鱗益古秀長濤漾和風盤桓
每移晷旭影臨窗融

春雪

二月二十日

去冬雪最優郊原盈尺計寸衷感以誠希望豐今歲
春來應始耕匝月未蒙惠默祈纒甘膏雲布無邊際
頃刻五出飄遍灑銀葩細落地卽消融雨雪奚同異

續潤利田功允與農政契瞻空明

昊慈迷津願普濟年稔民更安

錫福除罪戾宵旰刻不遑微忱籲

上帝

皇清文頴續編卷首四十七

御製詩

五言古詩

自述

皇考棄藐躬居憂廿七月終身慕無窮沉痛浸心骨
亮陰理萬幾臨深虞隕趣邪教四年餘數省遭狂悖
川西雖稍清川北仍奔突走險依老林秦隴互出沒
吁嗟我良民賊至隨顛蹶屋宇被焚燒田產皆蕩擱

面刺白蓮花詭惡極奸滑陣前漫區分玉石同膏鐵
不得已用兵非欲事殺伐寸心唯

天知垂憐祈赦罰有罪予一人政治誠多闕黔黎總
無辜劫運願速歇曷敢稍怨尤衷誠本自發宵旰念
遺謨仰空淚汨汨

叅贊德楞泰奏報痛勅白號賊匪逼回潼河北
岸復緊追至嘉陵江口痛殲各股匪衆詩以
誌慰併示經畧大臣等

春初賊過江實由散召募詎料復竄潼一誤仍再誤
所幸黔兵來整旅扼前路繞截黃鹿山奮擊紆憤怒
追逼抵潼河浮屍如雁鴛亟安我黔黎銀米以實布
兩隊合雄師窮追肯暫駐仍至嘉陵江恰值賊搶渡
四路併力攻貔貅搏狐兔飛砲碎其船隨波不知數
哀哉被難民何辜惡劫遇咎實予一人懺悔祈
恩裕佇望悉掃除火坑沃甘澍悲憶
訓政殷力疾揮毫素餘集絕筆吟

望捷見章句一讀淚如傾痛定增悚懼此

願不能酬我

考虛託付卽事示諸臣肝膽盡宣露

經畧額勒登保奏報迎勦賊匪痛殲及擒獲者

幾及二千各詩以誌慰

川中團堡寨陝境覓食艱羣賊欲趨楚蟻聚窺竹山
大帥扼東北竄聚白土關冒雪半夜進馬步凌孱顏
奮勇發鎗箭合併誅奸頑披覽生惻憫籌筆淚出潛

愧無回

天力萬姓多痼瘵沙場委白骨荒草戰血殷五載罹
劫難所夕心憂患叩顙

考垂佑歲事振旅還

總督費淳吳璈奏報邵工合龍河歸故道詩誌

感慰

黃水性靡常奪溜時遷易江省億兆人河患誠難避
去秋決邵工漫溢及田地哀我魯墾民南望每揮淚

拯救先賑饑周恤務詳備經年引河成放溜如奔驥
料足工必堅挑淤故道遂仲冬月旣望合龍告歲事
叩首感

天恩捫心蒙

考庇從茲慶安瀾順軌無災異深愁作君難薄德隄
撫字挽河速洗兵陝蜀邪仍積

臘日萬善殿瞻禮

明鏡鍊液池彌望光清潔冰牀懸轆乘輕連長繩掣

賀臘古招提時應嘉平節緩步出松關虬枝互盤結
歲寒知後凋插雲儼成列入室禮蓮臺頻生大歡悅
萬善一法包奚必強分別真知不空空性海光照徹
僧衆經識喧紛呶廣長舌以此云進修沸湯能止熱
雪山面壁時原無一字說探原在自心返觀味親切

述憂詩二十韻

一身承

祖業莅政已五年改元興教匪由楚及陝川倡言貪

官逼過劫肆白蓮執迷弗悔悟搶掠如火然哀哉我
赤子億兆溝渠填選將調勁旅練勇堡築堅三策堵
勦撫羽檄昕夕傳逆首雖屢執餘黨自蔓延晝伏夜
出劫鬼蜮狐鼠跽徒勞兵勇力疲於奔命焉偶遇大
帥隊走險飛蝗蝻或逢偏裨伍逞虐騰妖祗此賊何
日靖呼籲叩

上天好生本

帝念奚忍膏血濺悲憶我

皇考武功成十全小子恨德薄癰疥難速痊誓欲滅
此賊竭力旋坤乾三復

望捷作涕淚傾湧泉沈憂腸百結鬱悶中煩煎臣庶
受世澤曷不思乃先

總督書麟奏報截勦徐添德賊匪殲戮及解散
者千餘名詩以誌事

懸賞緝五凶一誅

高

一生致

王延詔

徐逆踞楚疆久掠

房保地潛匿依山林伏現如鬼魅我師雖健雄鼓勇

未能遂隨賊從奔馳每爲所牽累勦堵必兼施斯可
速蕞事宿將定決幾擒渠信應至邪消衆庶安受福
蒙

天賜

總督勒保奏報分兵截勦出境竄匪痛加殲擒

情形詩以誌慰

川東餘孽潰奔竄二竹疆蜀兵分兩隊冒雨踰溪岡
奮力勦逆黨殘魄難披猖楚省亦有備截擊兼堵防

上天敕予咎安民錫福祥允願縛徐添德冉學捷奏引
領望

河決歎

天

考付鴻基兢業勉圖治渺躬才德疎愆尤日叢積干
戈未全消國家又有事季夏月之初霖雨晝夜瀆波
瀾漲百川放溜如奔驥西北匯大河桑乾堤潰四白
浪掀石欄蕩漾洪濤恣哀哉我黔黎昏墊溝壑墜愧

予咎日深懼此非常異

示警衷敬承敢怨蛟龍崇分命八京卿以實查災被
撫卹盡苦心奚能得飽飼一人罪益滋何辜衆姓累
連朝失神魂食少難成寐泣思

乾隆年屢豐多上瑞

龍馭杳莫攀仰空揮涕淚艱難身願當餘黎祈妥置
字字皆血誠言言非虛僞告我衆臣工展猷集謀議
竭力挽災屯靜俟

吳恩賜

凌虛閣有會

高秋澄遠目傑閣凌太虛明霞綉木杪極浦清光舒
廈屋念陋巷民艱實廛予傾頽皆露處良田被沙淤
畿輔鮮完善深慙居廣居賑卹盡心力何時劫難除
叅贊德楞泰奏報窮追龍紹周駁匪疊次殲擒
及自行投首者二千餘名詩以誌事

賊勢漸潰散潛竄陝蜀陞出沒極險地使我兵力疲

將軍奮忠勇馬步隊並追寨民助勦捕餘黨日解離
亟願除邪逆

天恩溥鴻施五載備艱苦宵旰念在茲

味腴書室

詩書味誠腴研磨孰冊府治道法唐虞臨民必師古
四庫實浩繁度架充棟宇薈要擇精華縹緗欣萃聚
聖澤永昭垂洋溢敷九土瞻臨寸衷欽潛修在學圃

後湖晚望

四時春最佳四德元爲首仁心草木霽衆彙栽培厚
上元節甫過韶景漸富有幾餘玩清暉憑眺玻瓈牖
新水漾淪漣波面輕水走流光拓融和民生願康阜
軍務總未寧餘氛在林藪渴望庶姓安雄師蕩羣醜

耕雲堂遠眺

春陰景容與平野印虛堂北山送遙翠高檻出苑牆
柳陌卷靜黛掩映翻雲光新曠舍宿潤力穡候正長
夏秋協晴雨多稼豐千倉民足心始慰斯願何時償

詠搜捕三省餘匪事敬依

皇考效仇遠十二辰體詠金川事解悶元韻

鼠遁五技窮頑民非異種牛鬼倡白蓮接壤孽潛動

虎旅消衆兇擒殲去繁冗寇走倚老林隱現互撞捫

龍夔資贊囊籌機共慶董

謂軍機處行走大學士慶桂董誥

蛇行肆

竄逃戾氣終迷懣馬隊競追奔滅賊軍聲涌羊腸伏

餘邪歸順復耽恐猴驚知罪深碁布羅兵勇雞竿赦

難頌

考佑三省鞏狗彘

苟文
明

繼樊臬

樊人
傑

肅清秦嶺登豬

肩卜師貞喜音馳接踵

望大房山

房山脈絡遙千里太行接綿連洞壑深起伏峯巒疊
春陌策青驄凝眺嵐光攝淑景自暄妍籌幾心漫愜
西南何時安絡繹速奏捷

山行

曲折九盤松間景策良驥雲表送天濤萬壑翻蒼翠

卷之二 詩集卷之二
奇石層疊連磴道合畫意

御詩勒高巖億載輝勝地欣逢春日佳花木皆明媚
幾閒偶一臨片刻卽返轡幽澗奏泉琴喬枝答清吹
曷敢耽豫遊持盈念繼

志

午熱

昨夕結輕陰雷鳴雨未降
近午覺赫炎曦輪馭雲絳
曬麥固相宜待沛助耕耰
園居尙清涼曠喝憫城巷

更憐勦賊軍，冒暑羣搏開。有時出鑊湯。

天澤息懸憶

水心榭對雨

六月初六日

酷暑晝復宵，凌晨布雲脚。近午坐水心，欣逢甘雨作。
萬斛珠跳波，銀箭傾錯落。繁響濺池荷，飛流懸傑閣。
煩喝易清涼，驅炎勝服藥。大田普透滋，庶可蘇溝壑。
去夏實苦霖，今幸沐時若。總荷

上天恩錫豐，轉歉薄疎密。間滂沱膏澤，慶溥博更願。

兆洗兵邪靖羣黎樂

觀瀑

幽泉在深山靈源一勺養曲折滙石池淤沙咸滌盪
伏見隨地形孽巖下澆沆高挂水晶簾滴透秋風爽
御詩四壁懸光彩涵萬象三復觀瀾言頓覺眼界廣

八月朔日作

嘉慶七年秋仲月日有蝕光掩九分餘驚心天變極
曷敢諉其常實由予失德下詔求謙言匡過聞正直

仰瞻寸衷傷臨民辜君職政刑未合宜
擣味治家國
三省邪尚紛山澤
臧餘賊哀哉我黔黎
厄運總否塞
穹蒼大沛恩
奠安消兇蛾
遇災彌戰兢
九叩虔屏息

山近軒

日日在山中
茲軒山更近
嵐黛拂衣襟
雲海足底蘊
盤根愛老松
習靜看秋槿
隨遇暫怡情
旨哉吾無隱
清溪遠流有會

在山溪流潔
出山每致淤
乃知巢許輩
天性惡干譽

遇物任紛易至靜持在予不見清溪水澄泓一勺初
泥沙互泛濫漸覺成汙瀦靈源亟疏瀹渾濁庶可除
世網任牽引達士看淡如屏邪先克已皎鏡輝常舒
度青石梁

我來自上塞踏遍千萬山石梁不覺峻曲棧相彎環
疎林絢紅紫木葉未盡刪低澗漱逸響玉琴鳴潺湲
時復飲征騎停鞭看烟鬢南下近行館羣峯雲表攀

凌虛閣晴眺

高閣得地勢秋深晴日暄憑檻暢臨眺明霞西嶺翻
近畿幸有獲比戶收積繁稍救去歲苦豈能盡復元
餘氛尙未靖三省戎馬屯亟盼戢征討

賜福兆姓蕃

叅贊德楞泰奏報痛剿陳侍學股匪生擒首逆
全夥淨盡楚境卽可肅清詩以誌慰

餘孽匿巫巴雄兵過界嶺月夜踏賊巢途窮漫馳騁
首夥盡殲擒將士奮威猛
宗明和胡迷繼誅夷卽欣清

楚境移師掃蜀氛殘邪難再逞指日三省安衷感

天恩永

冬夜讀杜詩

三百首吟壇孔訓重言志魏晉變風騷漸失無邪意
子美挽瀾回拈毫總忠義洋溢盎太和立言諸體備
冬宵幾務閒玩味蘊精粹聲律身度融與旨契圖治

溫室

幾閒坐溫室冬日輝綺闌予身雖飽暖天下多饑寒

君民原一體民苦君不安譬如舟託水水涸舟行難
爲政固在上宣猷資庶官親若自家事勿作秦越觀
得人斯邇治求賢心力殫願溥

吳澤滢先淨餘孽殘

御園雪景

元旦布嘉澤盈尺徧京畿御園對清景山木合素暉
銀葩積寒浦粉縷綴石磯映日縞鶴舞隨風玉蝶飛
豈樂供目賞所欣宿麥肥蝗蝻種可斷難遇上瑞希

兵戢謐三省年稔敷九圍爲民敢辭瀆謝

澤仍敬祈

耕雲堂春望

山堂據苑牆平眺收遠景玉屏西北開銀龍遍峯嶺
微茫林靄凝隱現明霞影積澗盈陌阡嘉穀望秀穎
翠雨復耕雲力作事千頃農功始於春三時盼方永

仲春熙春園省耕別墅卽景偶作

各園百餘年熙春

仁祖額境在長春南別墅吾新闢窻北有流泉假山
疊竒石絕無雕績施插架唯古籍省耕切民依播種
趁嘉澤滋培庶彙繁生機茁新碧昔我

皇考時常蒞茲觀麥小子衷敬承擇暇問阡陌教穡
重田功往訓著簡冊黜華爲衆先守樸終受益

遊婉變草堂諸景紀勝

盤山以石勝草堂石益竒嵯岬疊屏嶂信是化工爲
或如鳳翼展或如龍爪垂猛如岩卧虎矯如屋蹲鷄

隱約辨洞壑，嶙峋隔澗陂。老松間挺出，鱗甲拏之而
密蔭相籠罩。移步佳致隨，推盤豈人力。五丁技漫施，
應接真不暇。靜觀忘險夷，寫景鮮妙句。紀槩聊摘詞。

詠搖動石

石體本來靜，搖動名最奇。孰逞拔山勇，有力如虎羆。
推求其理趣，搖石沙潛隨。一指偶欲撼，全體似轉移。
因緣所感觸，格物必致知。詠物會心遠，任重應思危。

多稼如雲

四首以題爲韻

問余有何樂所樂在時和省歲籌晴雨力田茂麥禾
生民紀周雅良耜載豳歌珠玉誠無用惟祈萬寶多
尚儉屏雕文山村地多暇開墾數頃田農功較春夏
引水注陌阡含風翻耙耜吾欲知民艱漫嘲學耕稼
稍畦依柳墅隱約香風舒長溪環隴畔修蛇運水車
轉幹盡巧思盈科通清渠御苑驗農候江鄉景不如
較量稼穡事漫尋花柳紛映日漾霞影臨風皺穀紋
年稔書大有民足衷方欣憑窓對畝畝壓壠連黃雲

浴佛日作

佛法本圓覺示現結善因功德池中水浴此清淨身
漚然泯渣滓滿月無垢塵見性漫思議談經徹天人
願溥大雄力救劫除波旬調御普濟渡猛省超迷津
池上居晚坐述懷

莅政晝少暇向夕幾務閒岸柳蔭茂密石池波潄潏
涼颼滿簾幙斜暉照遠山澄心鮮逸豫在抱榮痾瘵
荏苒尚肆竊將帥未凱還餘燼妄冀熾窮林暫伏跼

掃蕩邪孽盡保泰時思艱巨運應消歇

天恩洽八寰

苦熱

熱寶夏之常况予居厦屋涼棚蔽驕陽好風透叢木
所苦在小民怨咨起窮獨又憐捕賊軍冒暑搜巖谷
赫炎氣蘊隆薰蒸疾疫伏渴望湯火消永沐清寧福

碧靜堂

洪荒有此山寨垣託靜跡華實忘春秋今古同一碧

巖齋面嶺窳營建擇地隙蒼松倚迴廊白雲吐奇石
泉夏澗底琴風鳴崖半柏詩成卽據安小住不煖席

宜照齋

西北徑逾深林巒倍佳妙樸室三五楹

奎文額宜照至理敬討探君臨八方耀心空朗鑒懸
物來形神肖志昏受隱欺遇事奚能料養源務潔清
光輝現廊廟

有真意軒

山溪自太古真意於斯舍造化所流露風雲生碧嵐
有無皆雜念月影澄空潭總欲覓實際性海至妙涵
察理貫庶事求本非妄談勉旃勤內省遠屏物欲耽

月色江聲

水聲徹灤江秋光懸塞月逸韻下汀洲寒輝逼毛髮
麗天象昭回激石發清越浩浩漾長溪溶溶澄絳闕
循度運無窮盈科流不竭鏡影波底舍空花生倏忽

慎修思永敬述

乘乾統萬方遵

訓謹尺度臨民化愚頑居仁由義路修身先正心守
約無他務本原養潔清物來隨所遇常德儆怠荒永
思持志固外誘任紛紜湛然毓吾素

曉行卽景

遠山現天光平林挂曉月驅車度霜臯寒輝逼毛髮
村鷄啣唳鳴羽衛方明發古岸積白沙淺水薄冰齧
四時運不窮輪轉無休歇漸覺夜景澄暖旭騰玉闕

養性齋

寸田務虛靈誠明養本性稟賦總仁和受中體天命
赤子心莫忘斯須毋不敬嗜欲視若仇言利實大病
其害流最深家國之陷窅見理果旁通克念可作聖
涵育常惺惺澄輝現圓鏡題壁自省躬修己先爲政
味餘書室述志

室額潛邸題味餘有二義昔年日讀書云窻毓精粹
游藝悅性靈陶情在文筒今則治寰區承

恩守天位幾餘思養民宵旰理庶事所味時阜和常
沐豐年瑞浹洽俗淳良生聚遍昌熾六符應泰階大
同品物遂

新正清暉閣有會

詞客玩清暉寄興佳山水吾別有所欣樂此韶華美
春轉鬯陽和歲開新甲子品彙徧敷榮三台矜鳳紀
昨冬雪澤深入地只有尺蝗孽絕根株宿麥應勃起
滋培徧四郊土潤利耕耜可冀豐稔連奮望曷能已

人受

上天恩君民同一理民苦予先憂民安予始喜欲問
民安危惟視歲臧否緬懷

考訓深敬勤凜顧謨

蘊真齋有會

真從心所蘊假爲物欲牽富貴本虛誕修德立脚堅
致誠無窒礙涉僞多糾纏孰甘作奸慝皆願希哲賢
總因貪幻境迷妄歧路遷聖狂分一念須臾判天淵

達人自淡泊俗子終煩煎旨哉尼山語知命率性先
書曰惟皇降衷若有恒性易繫曰繼之者善成之
者性皆言性命之理至子思子述我夫子天命率
性之旨又推言誠者天道誠之者人道揭性真而
闡道源者至矣夫一本萬殊莫不原於誠誠之著
於人事卽誠之立於人心也故作聖作狂繫於一
念也古稱誠僞今謂真假假之不可亂真誠之不
能僞託有較然者孰謂中之所蘊爲不見不聞之

地而不以真爲之主乎旣成是詩復闡誠爲之義
於後御識

敬勝齋

御極治臣民正人先自正克勤儆晏安斯須毋不敬
經史探精華法言遵孔孟齋額仰

皇猷執中持大柄久道澤敷長奕葉相輝映承業膺
寸衷捧盈勉爲政

廣寧道中

明季政多舛謀國議屢更旣任熊廷弼復信王化貞

輕復倚張

鶴鳴葉向高

妄請六萬兵一戰遂奔走單騎遠

棄城微哂不援救閉關風鶴驚伏法實自取誰憐走

狗烹門戶害最甚謬悠相辨爭

聖人凜殷鑒長言警後生小子敬探討兢業惕捧盈
詠事垂法戒奕載安皇清

撫夷齋廟偃松有感

古廟偃松樹風霜歲月驚乾隆甲戌年

繪圖灑仙露戊戌祭

再疊吟蠅頭細字有憶昔曾拜觀
寶韻塗鴉附倏忽
廿春秋重莅離宮駐展卷誦

天章未竟淚如注松砌影依然

椿庭嘆悲慕永念培植

恩常守本根固

鑑德書屋

治理法鑑存殫心敷

聖德兆庶實繁多一人綏邦國誠敬蘊寸衷承

天凜建極無私體奉三頁辰爲準則羣情雜淳澆宥
密古訓式崇儉屏奢華祛邪近忠直良才每難逢精
鍊漸培植司牧守

前猷龜亮勉不惑

海子詠懷

前明政不綱大柄付宦寺海子兩衙門威福任縱恣
豹房日嬉遊聲歌選嬌媚國事泯見聞一敗遂塗地

我朝應運興開基重武備習勞傲怠荒三驅列羽旆
舊境鑒戒存敬勤暨撫字守成凜持盈孜孜圖邇迨

淳化軒

民生日繁庶教養難遍施守令最切近習俗未易移
舉措鮮得當苟安多玩疲只圖身家計遑論各行虧
淳化實不逮懷慚衷自知仰瞻

御題額肯構勉繼思尺宅照九有奚能免漏遺惟盡
予心力正已待

吳慈

含德齋

萬幾寸心理圖治有本原毓德在古籍玩味先聖言
包括賁遠大成性道義門臨事務定靜出令毋紛煩
欲使才肆應內省誠敬存斯爲根柢學舍是皆鄙論

閣摺奏敬紀

憲皇秉乾綱百司咸奏事封摺達

御前披覽辨誠僞我

考六十年敬勤紹

先志鉅細靡有遺久安溥長治小子繼

心傳曷敢分陰棄無障理自明寅承守不墮

懲蠹詩

御極儆官方用人圖邾治深慙化未淳屢有意外事
保定案愈竒司庫聚蠹吏虛解卽虛收作奸仍作僞
堪嗤臨民官忘義祇謀利狼狽互營求豈顧身家累
甘犯不赦條刑章所未備督藩若罔聞無能等昏寐

定罪守

前猷甘省實同類執法衷惻然興廉去貪恣自省政
教疎玩愒難格被已甚不敢爲成詩繼

言志

新兵二十韻

教匪幸盡除營伍歸汎地鄉勇實繁多過半皆敗類
有家樂生還無籍難安置羈縻暫分防從權非善議
行軍紀律先獎進懲退避法令若不伸孰肯輕嘗試

陝安率准降姑息紀綱棄誅逃儼其餘投裔禦魑魅
綏定亂繼滋越城竄守備兵集團練追一戰櫓槍墜
罰罪賞有功免賦除民累川境甫救寧陝邊復恣肆
揭竿瓦石坪嘯聚山林遂兩省師夾攻奮威固原帥
首逆盡生擒殲黨淨妖崇未可尚寬柔玩易如兒戲
火烈孰敢撓水懦患益熾眾正紀律嚴知方明大義
半載三叛亡蕩平威

天賜守法遵

皇清三宗系第一 卷四十七
考猷詳紀新兵事

憂早述懷

君民原同體所賴唯

天慈年登樂交泰遇歉患難隨京圻連歲稔黔首免
流離屢豐太奢望自滿氣運移昨冬缺瑞雪三春雨
未施入夏旱益甚蘊隆終風吹玉泉額

神佑靈壇禱畫眉潔齋舉

霽祭候度七日期

三壇申祀典諸王司盛儀渴盼總沙漠昕夕徒焦思
焦思難暫解一日十二時更慮齊晉豫微潤欠透滋
江北亦望澤水弱轉漕遲麥收已虛矣禾黍嗟無遺
數省億兆衆何罪罹瘡痍內省誠予咎驕泰政妄爲
民情多詐僞吏治半懈疲聽言不能用居安卽忘危
上蒼示警戒敬受衷自知惕若勉改過紀實非謾辭

曉庭理事作

澄懷夜氣存寸田靜涵養內省無障塵應物自明朗

求衣警晏安披章趁朝爽竹露晃初陽鳴蜩夏清響
藤榻置虛庭容膝十笏廣萬幾庶政紛玩味除妄想
理足勝言繁心平消事枉至誠格邪私淡泊息擾攘
圖易先思艱屏諛喜聞讜庶幾治小康孜孜敢不勇

靜坐偶作

心涵淡泊鄉身處富貴境萬幾雖紛來圖治本於靜
濬源流必澄辨形斯召影內修戒半途外誘務遠屏
古籍百代師玩味得長綆大見識須存小聰明勿逞

舊學念尊聞新知漸彪炳觀我恐怠忘走筆自申警

讀史記三皇五帝本紀

鴻濛肇太始元會開洪荒太皞出乎震雷澤履迹祥
書契創典則畫卦分陰陽設官以龍紀邾子傳載詳
儷皮制嫁娶結網治具張聚銅以爲幣肉圓而好方
文德昭美備長離紛袞翔爰歌扶袞曲立基揚烈光

右太皞庖犧氏

神聖德允孚於昭女希氏共工觸不周一怒柱傾圮

鍊石五色彰補足免缺毀立極斷巨鼇聚蘆止滔水
天地慶平成渥澤垂萬紀上瑞席蘿圖川嶽效靈美
器車出匪竒澤馬來何駛感召皆翕和經緯咸應理

右女媧氏

炎帝火德王母感神龍生斲揉爲耜耒始教萬姓耕
躬親嘗百草壽世醫理明制作五絃瑟大樂和韶讌
日中列廛市交易順衆情卦衍六十四爻象皆列成
教化偏興起桴鼓響應聲偉哉三皇世於錄奕載宏

右炎帝神農氏

神農世浸衰諸侯相侵戮黃帝詰戎兵蚩尤破涿鹿
賢相振德威風后繼力牧披山道四通紀官以雲族
政教聿修明黎元普愛育寶鼎現禎祥自天申福祿

右黃帝

高陽秉聖德紹述業繼先疏通知庶事謀畧仰靜淵
養材以任地載時以象天流沙至蟠木幽陵交趾邊
日月所臨照聲教咸暢宣文龍負圖出科斗書篆連

戒盈器始作復禮銘著傳承雲被大樂同和化育延

右顛頊高陽氏

帝嚳亶聰明生知具神聖嶷嶷德誕敷郁郁色輝映
重黎作九招勾龍爲五正鞀鼓借埴篿金鐘沉鳴磬
舞鳳康帝功和聲宣美盛邽治啟有虞萬古凝寶命

右帝嚳高辛氏

君師皆立極首出欽帝堯安安緬文思允恭克讓標
立木進讜論置鼓直諫招九族旣和睦百姓風化調

萬邦盡於變四岳籌肝宵廣庭十瑞至光被咸美饒
黃屋心非樂卓識凌穹霄巍巍瞻峻業元會大德昭

右帝堯陶唐氏

唯聖能識聖升聞猷畝迺重華協於帝上日遂受終
溫恭益濬哲明目兼達聰四罪天下服敷言試以功
奮庸諧治理亮采咨百工精一括典要執兩而用中
愧承大寶命兢業凜渺躬言述心敬慕景仰五帝隆

右帝舜有虞氏

詠虞書同律度量衡四首

粵稽古唐虞聖人仰首出制器合天時陰呂配陽律
大夏西崑崙嶰谷取竹實厚薄用適均候氣無訛失
黃鐘隔八生大和徧洋溢萬事根本基作則永循率
律右

公平無偏歆範圍歸尺度尋常量短長舉萬免一誤
大信示昭明規則天下布土民有遵循謹身由王路
準繩不敢踰三微積成數形端引而伸立極風聲樹

右度

三代臬氏司筭銅作嘉量方尺形外圓其旁有庀狀
上斛下斗連左升右龠向躡合適平均登聚無罕抗
瑤樞應天文歲稔叨靈貺示民以不爭爲國用禮讓
量右

鍾龠積銖黍鈞石分權衡用權欲其稱持衡務其平
毫釐斯不爽奚能欺重輕準正繩直備規旋矩折明
均物昭法則戒滿凜奉盈詠古希往聖四端本一誠

右
衡

閱隄

文安境最早夏秋常積水

聖人憫兆民築隄亘千里沮洳庶澄清保障環澱滓
辛酉罹澇災舊堰多缺毀未可任洪波聽其就傾圮
特頒內府金重修固基址大吏告工成敦請親巡視
觀河衛田廬省方循昔揆造作務久堅估計屏浮靡

上繼

保赤衷旰宵求治理

崇儉詩

尙儉訓臣民美德萬善備守約固本心去奢勵衆志
未俗愛繁華負緣以財餌私欲漸薰蒸忘義卽徇利
悖入千萬盈悖出糞土棄眼底金帛充日後身家累
天理所不容國法所必至嗟哉貪亂徒人形實鬼魅
昏夜枉乞憐離照奚能避總由不儉成稔惡日月積
正已興讓廉抒誠消詐僞尺度豈可踰潔已弭浮議

勿貽後世憂勿作無益事艱思爲君難任大守神器
渴願司牧賢弼予圖郵治天良慎無欺常德保厥位
讀資治通鑑

治理徹古今通鑑昭黑白君臨必勤觀功效在簡冊
上下數千年判然興衰迹承天子庶民殫心敷惠澤
內省毋自欺外誘奚能役聖狂一念分賢佞者史籍
此事互證明由子所採擇從善登山難從惡決川易
定見稍改移前修盡虛擲耆歲習經書深沐嚴師益

大雅相繼亡下帷每悼惜萬幾稍暇時誦讀手不釋
玩味印寸衷含英悅而憚直道昔勝今習俗今殊昔
本立而道生勤學乃有獲舊業恐荒蕪問年已半百
曷可忘進修玩愒是自畫儼如函丈間討論以日積
庶幾近津涯未敢忽駒隙百王懿範存探尋勉朝夕

傲怠詩

涉躬沐

考恩兢業懷撫字抱蜀惟守成整飭非生事百工分

職司爰自國初置敬慎斯展猷玩愒終貽累喜市私
惠多悠忽至廢墜大患伏因循惕思每心悸一人力
幾何成城資衆志舊制本精詳鉅細咸賅備庶官竭
忠貞億兆叨福庇經邦等修身養攝勿暴棄小疾大
病根扁鵲漫施技患成在無形疲玩禍叢積爲君固
甚難爲臣亦不易一德上下孚泰交協心意萬幾首
克勤力行則不匱任事用實心盈廷少浮議持躬處
清堅放眼辨義利勉圖寰宇綏抒誠屏虛僞居安莫

忘危昇平庶可致保極凜

先言吟詩傲有位

我國家典常嚴肅制度精詳子孫蒙業而安不可
稍有改易亦不能度越前猷別有創造誠能實心
實力奉行毋懈則億載无疆兆民永賴矣奈今時
內外大小臣工實心體國者不可多得尸祿保位
者實繁有徒疎縱因循悠游怠忽玩日愒時總以
無事搪塞國家政務漠不相關此患實深此病實

天子竭盡心力挽回流俗庶冀率由舊章昇平馴
致是予之願也詩成併識

讀尚書

君道蘊尚書載五十八卷萬古帝王師首篇始堯典
文思著欽明輝光四表顯親親而仁民定時歲不舛
庶績咸熙和禪舜勳華衍巍蕩無能名希聖衷自勉
右堯典

協帝合重華受終命以位告天禋六宗覲岳輯五瑞

敷言明試功四凶咸放棄詢謀達目聰量才授政事
時亮庶民安禮樂皆美備二典千古昭研求圖邳治

右舜典

危微心所蘊精一惟執中大本徹上下三聖道統同
文命敷四海平成萬世功從欲教化溥勤儉邦家充
舞羽有苗格施德勝興戎沉潛探兵理仰止欽寸衷

右大禹謨

聖王資哲輔美哉臯陶言知人實不易敷惠安黎元

九德載采采翁受五典惇庶官慎無曠勤敬重本原
萬幾鮮閒暇兢業常存存曷敢稍逸豫展卷繹至論

右臯陶謨

君臣慶泰交昌言感禹拜四載昏墊除洪水分九派
孜孜慎幾康在位勿疎懈宣律納五言聽政識不隘
勅命屢省成叢脞申告戒賡歌樂明良追慕心愉快

右益稷

唐虞聖治隆有夏承神禹山川旣攸分則壤別九土

成賦因地生作貢非妄取敬德先臣民要荒聲教普
大清中外同幅員倍上古君臨實艱哉殫思御寰宇

右禹貢

堯舜禪大賢敢能繼禹德威侮必應除親征有扈國
抗衡戰于甘六事咸整飭左右及御人恭命各盡力
師行衆正先貞吉罔不克尤要賞罰明緯武循法式

右甘誓

太康耽逸樂后羿距于河危亡哀莫救五子乃作歌

勤民固邦本馭朽防蹉跎禽荒失其度十旬悠忽週
典則旣廢墜疇依嗟奈何玩味作警戒法言受益多
右五子之歌

日蝕天示戒修德董庶司羲和廢厥職酒荒罔聞知
擾紀干政典入告不及時討罪辭義直肩侯掌六師
舊染咸洗滌誅渠宥脅隨嚴明事必濟萬世行軍規
右肩征

世風日以降夏桀暴虐張重役窮民力嚴刑懼禍殃

多罪兆庶厭願與之皆亡受命自亳邑誓師告戒詳
天討固正大人事實反常慙德豈能掩作備由商湯

右湯誓

成湯愧德薄仲虺作誥辭逆天壞宗社順天開國基
鋤智纘舊服彰信仁政施民心久愛戴來歸恐後期
崇道永保命治統終昭垂愛君盡忠告嘉言勉有爲

右仲虺之誥

克夏肇商祀至亳告萬方上天祐兆姓助順除暴狂

邦家既寧輯兢業益自養責人先責己舍短用所長
人善弗敢蔽己罪改不遑君道具簡冊與旨誠精詳

右湯誥

嗣王繼大業攝政推伊尹述德陳訓言聖武昭明敏
以寬代虐猖修紀民心允檢身切思艱哲人廣招引
三風務掃除十愆庶皆泯爲善降百祥良法作標準

右伊訓

太甲辟不辟進諫述阿衡作書凜明命丕承基業宏

儉德懷永久典則欽攸行未克變舊習不義與性成
興善去其惑化格桐宮營居憂能悔過感發哀思縈

右太甲上

終喪省已愆自責過能改敗度背訓言匡救賴冢宰
君臣接以誠嘉猷資取采懋德思孝恭修身戒豫怠
視聽盡聰明承休皆樂愷穆然上古風治理垂千載

右太甲中

遷善凜天位申誥重進規有仁民感化致誠神格思

治亂在所與居安常慮危直諫求諸道甘言毋受欺
元良示儀表萬邦咸皞熙舊政期永守念典承鴻基

右太甲下

復政將歸邑殫心告戒陳常德保厥位終始勉日新
服命協于一得天斯得民任官賢才倚其難在知人
主善合統會古聖大本申精粹至理括厚生治道淳
右咸有一德

都耿圯河水擇地欲遷殷世族安舊土浮言互紛紜

有居憚遠徒喻義出誓文卜稽承先命逆口惑衆聞
蕩析廢田畝耽逸忘力勤勗哉相告戒敬事勉樂羣

右盤庚上

涉河新邑遷民情筮弗願誕告定衆心就安捨危困
不爲長久謀罹憂尚自勸承先養黎元樂生消苦怨
上下志協和分猷屏浮論邦家皆吉昌大業欣永建

右盤庚中

新邑既定居君臣乃正位慰勞安衆情上下孚心志

畏難事不成避害就樂地切念養生恢基因所利
糾誹厥以誠忠厚喻於義戒勉期永肩交泰興政治

右盤庚下

思道每弗言臣下艱稟令薄德恐負先四方望表正
淵默寸心純宥密存恭敬蒙帝賚大賢旁求果見聖
朝夕納嘉猷敢沃協理性匡辟康兆民遐邇承休命

右說命上

賢臣遇聖主受命總百官進言戒逸豫奉天期民安

任事選才哲私昵豈可干有善益加勉矜能功業殫
從諫協成德躬行實踐難旨哉爲政要百代論不刊

右說命中

虛已納訓言進修廣知覺立事求多聞有獲在勤學
師古斯治今篤信積淵邈時敏念典常終始持志確
成憲監先王俊乂共揚摧勉勵一德孚三篇仰昭倬
右說命下

祭祀不可黷守典展精誠失禮豐于昵彤日有雉鳴

祀已進忠告自省勉改更徼福涉妄念天監視所行
示異知恐懼咎愆轉吉亨正德敬民事來格欽昭明

右高宗彤日

修德基業興備德家國亂寶命本難謹民心大可憚
撤黎周日昌進諫竭忠幹自絕速其亡滔戲忘患難
衆志盡乖離飾非徒嗟歎先幾哲士知天人理一貫
右西伯戡黎

殷紂日顛狂憂深述微子綱紀已蕩然小大肆姦宄

淪亡至于今何策救傾圮父師言天災氣數應如此
存祀宜出奔受敗義當止三仁各安常彰明去就理

右微子

商受行暴虐下民視若讐后稷積世德天命歸有周
武王繼文考創業揚前休明誓壹衆志孟津會諸侯
同力度德義討罪無稽留四海庶安定時哉恢大猷
右泰誓上

羣后会河朔徇師申誓言肆虐臣下化穢德趨冥昏

罪浮于夏桀流毒哀黎元上天鑒視聽一人責攸存
侵疆揚我武取殘除苛煩衆棄不足畏同心定業原

右泰誓中

安民承上天大巡復申命五常至顯明荒怠意弗敬
茲回遍褒崇師保皆散迸郊社祭不修奇技淫巧競
樹德務滋培除惡必窮竟賞戮旣著彰克敵士氣勁

右泰誓下

弔民伐有罪逃矣來自西牧野軍旅集聽命宣鼓聲

家索婦言用司晨戒牝雞通逃是崇信肆暴及羣黎
行罰不愆律步伐知止齊除強宥降者寬嚴護其稽

右牧誓

告天正于商順則民心應無道害羣生淫刑任惡佞
若林反倒戈不戰以義勝基開一戎衣四海遂大定
釋囚復式闔箚土五三贈武成信德昭治功垂拱聽

右武成

致誠訪賢哲安民執大猷箕子陳洪範傳道不仕周

神禹治洪水天乃錫九疇五行敘五事八政協紀修
建極用三德稽疑念咎休訓行盡遵道福極皆自求

右洪範

西旅懷德化來賓自遠方服食固應獻貢絜非典常
耳目不可徼太保訓于王玩物失素志守道視聽詳
高異豈足貴所寶惟賢良夙夜勉勤敬允迪邦家昌

右旅絜

穆卜問王疾自禱欽周公誠繼以身代達孝兼竭忠

四方咸佑助寶命圖永終納冊金滕匱梓讒居國東
管蔡既定罪禮迎天反風感應理最速元聖至德崇

右金滕

三叔監殷商轉與武庚叛永懷前王艱西土忍罹難
圖功吉卜從伐逋除暴亂明命奉天行協力無畏憚
四國肆害民克敵在果斷東征志勿移睿知操勝算

右大誥

周世卜年長開基德深厚微子象先賢封宋繼殷後

王家永作賓舊業勉荷負嘉德時不忘服命典則守
愛養盡肫誠萬邦感元首宏量天地同允宜享國久

右微子之命

康叔封衛地作誥述先王紹聞繼世德保民治道彰
盡心戒逸豫宅命有典常明罰曰時叙除慙飭紀綱
非義繩以法順則迪吉慶遠猷守勿替敬忌揚烈光

右康誥

妹土商故都習染多沉酒祀事及宴儀用酒悃誠展

無醉有節宜養老致豐腴縱佚矢威儀酣身享自踐
大監撫斯民剛制患庶免羣飲肆非彝勅法懲不善

右酒誥

周誥道畢該包括治國理用刑戒虐戕保民胥順紀
稽田去汙萊作室勿華靡明德協庶邦懷來遠及邇
疆土盡安恬和懌消邪詭永命至萬年久安繼孫子

右梓材

得卜則經營宅中居洛邑達觀位既成庶殷不日集

太保陳誥言受命萬邦及休美慶無疆心常切憂悒
監夏復監殷顧畏民暑炭天眷視所行敬德大本立

右召誥

周公篤親親輔相申告戒東土定國基澗灑自分派
明作庶有功惇厚永垂誠主敬辨僞誠敷教惟勤勸
眷留本至誠退休豈倦懈責難各盡辭熟讀衷愉快

右洛誥

洛邑既定鼎更始誥頑民舊殷受天罰有周應運新

嗣王不明德戡亂承帝仁遷徙勿違越率典命載申
宥過安汝止克敬理法循子孫永承續集福百世因

右彥士

典謨皆法言至要首無逸知艱念民依寅畏無縱佚
懷保素儉崇困窮遍撫卹反身省己愆感化德洋溢
訓王竭忠貞詠歎章凡七君道有大綱敬勤最切實

右無逸

召公恐盛滿避位將告歸抒誠留輔政天民理無違

佑命前光迪明辟保乂依永念造邦始平格宣德威
浮川其共濟襄贊揚先徽成業勉敬事弼予籌萬幾

右君奭

蔡叔旣底罪胡賢命嗣封前愆能掩蓋東土就附庸
忠孝自勤勉垂憲後世從天眷輔正德民心懷澤濃
爲善同歸治爲惡同罹凶謹初終不困康濟咸和雍

右蔡仲之命

殷德感民深舊土時變亂誕告爾多方于命徒致難

夏商自取尤求主天心換聖狂作由人敬怠寸衷判
順則安宅田更始消離叛禁惡開善具示誠言豈謾
右多方

明王治區夏立政首得人忱恂興賢哲宅俊德日新
奮庸熙帝載見道協至純迪知任職事敬天斯安民
出言及讞獄詳慎皆平均海表罔不服吉士邦家珍

右立政

四征綏兆庶歸周訓百官公孤坐論道燮理廊廟端

六卿各分職率屬勤敬殫時巡考制度欲知民事難
保邦于未亂思危始永安志崇戒怠忽佑辟敷教寬

右周官

周公昭厚德善繼惟君陳孝友克施政率常猷訓循
風行草必偃視聽同庶民寬而有節制止辟法令申
能忍事乃濟容衆大化均敬典政充實邦治多福臻

右君陳

成王古賢君紹述文武聖力疾臨羣臣憑几宣顧命

重光定民依習服威歸正嗣守無昏迎輔弼竭忠敬
大濟于艱難遠邇胥允令經邦保極言芸簡常輝映
右顧命

三后遺澤深康王克繼述報誥及庶邦念典極誠實
德政永昭明保乂志協一建侯樹蕃屏輔佐政循率
身守畿甸封心常在王室憂勞共仔肩合力勿耽逸
右康王之誥

東郊待安理簡賢命畢公懋德勤小物四世元老崇

叔惠務在刊影單佳執中辭令尚體要政典在慎終
資富能守訓允修義路同協心紹成烈基業傳無窮

右畢命

敷典咨哲臣忠貞欽世篤守緒每憂危若涉春冰促
爰命作股肱輔相纘舊績民則勉式和與衆同所欲
圖易先思艱中正一風俗謨烈丕顯承光前時自勗

右君牙

侍御効弼承左右咸盡職旦夕格非心交修懋君德

大正羣僕從慎簡屏令色便辟肆縱侈去諛進忠直
初政繼先王申命爲法則惜哉不克終轍迹遍邦國

右問命

百年享國久訓刑及耄荒訊獄主勤敬體察宜精詳
審度重倫要聽斷本憲章有疑庶可赦無憾應報償
罪輕金作贖贖死弛大綱取利民易犯傷化非典常

右呂刑

厲幽繼昏亂東遷周始衰晉鄭輔王室大柄自此移

方伯布訓命求助心可悲材劣未濟難恐隕文武基
言哀意排惻太阿終倒持戍申酬立已忘讐罪奚辭

右文侯之命

周室有懿親伯禽善撫魯淮徐並興戎煽亂侵疆土
方伯統師征至費誓軍伍克敵先自修甲冑及弓弩
逸亡勿逐奔竊誘復攘取違命有常刑備足能禦侮

右費誓

秦穆既戍鄭信邪念復移不聽蹇叔教千里徒勞師

遂致二陵敗悔過申誓辭黃髮猷盡善諷言易受欺
有容保黎庶冒疾墮國基旨哉昭鑒別用人曷慎思

右秦誓

唐虞三代典謨訓誥治天下之大經大法孰能出
其範圍哉堯舜禹湯文武周公之聖道桀紂之暴
政昭然著於簡冊在後世人主擇而行之耳然希
聖之君實鮮者何也心不固也十六字心傳千古
不易守此治違此亂誠有志於治國不可不求古

帝王之道欲求其道先求其心心法何執中也無
過不及治天下之大本德仁誠敬咸由於中不剛
不柔敷政優優中之謂也夫逸則不勤怠則不敬
習僞則不誠徇俗則違道過柔流爲姑息過剛必
至暴戾皆失執中之理豈成建中之治哉執中之
理由心所發人心易蹈道心難明能精以察之一
以守之自純乎義理之正不涉偏私矣修身齊家
治國平天下之道皆歸於執中之與義非泛論也

子幼讀尚書未能領畧今於幾暇玩味沉潛恍然
有會於執中之旨庶不流於過中之弊用以懷保
萬方撫綏函夏有事必勤治無事不妄興臣工共
勗民協于中予之願也五十八篇篇綴六十字以
予之薄識而欲闡明千載以上古帝王之道誠掛
一漏萬矣夫詩成併識